

ТАНИЛЦУУЛГА

Шүүх шинжилгээний тухай хуулийн 33 дугаар зүйлийн 33.9 дэх хэсэгт заасныг үндэслэн “Шүүх эмнэлгийн шинжилгээ хийх журам”-ын төслийг боловсруулав.

Эрүүгийн, иргэний, захиргааны хэрэг маргааныг хянан шийдвэрлэх, Зөрчил шалган шийдвэрлэх ажиллагааны явцад анагаах ухаан, биологийн холбогдолтой асуудлаар шүүх эмнэлгийн шинжилгээ хийх үйл ажиллагааг зохицуулах зорилгоор уг журмыг Шүүх шинжилгээний хуультай гийцүүлсэн гаргасан.

Одоо хүчин төгөлдөр мөрдөгдөж байгаа Хууль зүйн Сайд, Эрүүл мэндийн Сайдын хамтарсан 2014 оны А/215/421 дугаар тушаалаар батлагдсан “Шүүх эмнэлгийн шинжилгээ хийх журам”-д хүчингүй болсон Эрүүгийн байцаан шийтгэх хууль, Шүүхийн шинжилгээний тухай хууль, мөн хэрэглэгдэхээ больсон “Мөрдөн байцаагч” гэсэн нэр томъёонууд байгаа учраас одоо мөрдөгдөж байгаа хуулийн нэр томъёогоор өөрчлөх шаардлага гарсан.

Уг журмын төсөлд шүүх эмнэлгийн шинжилгээний объект тус бүрээр шинжлэх үйл ажиллагааг Шүүх шинжилгээний хуулийн зүйл заалттай уялдуулсан ба Хууль зүйн сайд, Эрүүл мэндийн сайдын хамтарсан 2014 оны 12 дугаар сарын 05-ны өдрийн А/216/422 дугаар тушаалын хоёрдугаар хавсралтаар батлагдсан “Цогцост шинжилгээ хийх журам”-тай хамтатган боловсруулсан.

Мөн шүүх эмнэлгийн шинжилгээг багаар хийх онцлог, шинжилгээ хийхэд баримтлах стандарт, цогцост дүрслэл оношилгооны шинжилгээ хийх шинэ арга аргачлалын талаарх зохицуулалтыг тусгасан.